



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-02-2-1838/23  
Sarajevo, 17.05.2023.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničku inicijativu zastupnika Handžić Vibora-dostavlja se;

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničku inicijativu zastupnika Handžić Vibora.

S poštovanjem,

**Prilog:**

- Akt MUP, Ekspertne radne grupe za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa broj:01-30-1-4378-I-4-1/23 od 15.05.2023. godine;
- CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. a/a.



Adresa: Sarajevo, La Benevolencija 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO UNUTRAŠNJIH POSLOVA**  
**Ekspertna radna grupa za**  
**razmatranje inicijativa za postavljanje novih jedinica**  
**stacionarnih radara i ocjenjivanje opravdanosti inicijativa**

Broj: 01-30-1-4378-I-4-1/23  
Datum: 15.05.2023. godine

**PREDMET:** Ulica Bosanski put Ilijaš, inicijativa zastupnika Vibora Handžića da se postavi radar,  
o d g o v o r , -

**I**

**(Generalne informacije)**

Dana 04.04.2023.godine ova Ekspertna radna grupa je zaprimila inicijativu zastupnika u Skupštini Kantona Sarajevo, gospodina Vibora Handžića, za postavljanje svjetlosne signalizacije i stacionarnog radara u blizini Osnovne škole "Stari Ilijaš".

**II**

**(Odgovor na zastupničku inicijativu)**

U cilju objektivne procjene potrebe za postavljanjem radara, formirana je Ekspertna radna grupa za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa (u daljem tekstu ekspertna radna grupa), a na osnovu tačke I Rješenja o formiranju ekspertne radne grupe Ministarstva unutrašnjih poslova Kantona Sarajevo broj 01-30-1-4378 od dana 05.10.2021. godine, koja je na svojoj sjednici održanoj dana 03.05.2023. godine, razmatrala predmetnu inicijativu.

S ciljem objektivnog sagledavanja opravdanosti realizacije predmetne inicijative, Ekspertna radna grupa zatražila je od organizacionih jedinica Uprave policije Ministarstva unutrašnjih poslova Kantona Sarajevo, Odjeljenja za saobraćajne istrage, Jedinice za saobraćaj i Policijske uprave Ilijaš, cjelovitu informaciju o broju saobraćajnih nezgoda, evidentiranih na predmetnom lokalitetu, za period 01.04.2020. do 31.03.2023.godine.

Ekspertna radna grupa, vezano za prethodni upit, zaprimila je akt Odjeljenja za saobraćajne istrage broj 02/2-3-03-31-38-4/23 od 18.04.2023.godine u kojem je konstatovano da se u toku 2020.godine u ulici Bosanski put dogodila jedna saobraćajna nezgoda u kojoj su dva vozača zadobila teže tjelesne povrede. Također, u informaciji se navodi da se nezgoda dogodila naspram kućnog broja 185, a što ne spada u zonu škole koja je predmetom podnesene inicijative, a od 2020.godine njihovi policijski službenici nisu imali evidentiranih saobraćajnih nezgoda u ulici Bosanski put.

Iz akta Jedinice za saobraćaj broj 02/2-6-03-524/23 od 17.04.2023.godine proizilazi da se prema njihovoj evidenciji u ulici Bosanski put do broja 239, što takođe nije u zoni škole, u posmatranom periodu, dogodila jedna saobraćajna nezgoda sa manjom materijalnom štetom, a čiji su učesnici popunili Evropski obrazac o saobraćajnoj nezgodi, dok za traženi period policijski službenici Jedinice za saobraćaj nisu vršili uviđaj saobraćajne nezgode u blizini OŠ "Stari Ilijaš".

Prema podacima iz Informacije Policijske uprave Ilijaš broj 02/14-1-04-2-520/23 od 26.04.2023. godine da se zaključiti da se na predmetnom lokalitetu, u traženom vremenskom periodu, dogodilo ukupno 7 /sedam/ saobraćajnih nezgoda, jedna sa povrijeđenim licima i šest sa manjom materijalnom štetom. Nezgoda sa povrijeđenim licima se dogodila u toku 2021.godine, u kojoj je jedan vozač zadobio lahke tjelesne povrede. Od ukupno sedam evidentiranih saobraćajnih nezgoda u jednom slučaju je neprilagođena brzina bila uzrokom saobraćajne nezgode, također 2021.godine.

Također, u cilju sagledavanja stanja saobraćajne infrastrukture, frekvencije saobraćaja i drugih relevantnih faktora, koji utiču na sigurnost učesnika u saobraćaju, Ekspertna radna grupa izvršila je obilazak dijela saobraćajnice na kome je dostavljenom inicijativom predloženo postavljanje stacionarnog radara.

Uzimajući u obzir sve gore navedeno, na sjednici Ekspertne radne grupe, održanoj dana 03.05.2023. godine, jednoglasno je usvojen zaključak da inicijativa za postavljanje stacionarnog radara u blizini Osnovne škole "Stari Ilijaš:

**NIJE OPRAVDANA**

### III

#### *(O b r a z l o ž e n j e)*

Uzimajući u obzir prethodno navedene i istražene činjenice ekspertna radna grupa jednoglasno je ocjenila da se efekat smanjenja saobraćajnih nezgoda, a posebno onih čiji je uzrok neprilagođena brzina kretanja učesnika, na predloženom lokalitetu ne bi mogao spriječiti postavljanjem stacionarnog radara u zoni gdje je predloženo postavljanje stacionarnog radara, zbog činjenice da predmetna saobraćajnica predstavlja saobraćajnicu u kojoj se saobraćaj odvija smanjenom brzinom jer gabariti saobraćajnice i njeni konstruktivni elementi nedozvoljavaju razvijanje većih brzina.

Također, obilaskom terena, te posmatranjem kretanja saobraćaja utvrđena je srednja frekvencija vozila koja prolaze predmetnom dionicom, na predmetnom lokalitetu evidentirana je uspostavljena „Zona 30“ gdje je u blizini škole brzina kretanja vozila ograničena na 30 km/h, evidentirani su i elementi za smirivanje saobraćaja u vidu izbočina na kolovozu i vibracionih traka, te pješački prelazi za prednost prelaska pješaka u odnosu na motorna vozila.

Ukoliko se na predmetnom lokalitetu u narednom periodu promjeni stanje sigurnosti saobraćaja, značajnim povećanjem broja saobraćajnih nezgoda čiji je uzrok brzina kretanja učesnika, Ekspertna radna grupa će naknadno razmotriti inicijativu postavljanja radara.

**PREDSJEDAVAJUĆI RADNE GRUPE**

**Nedžad**

**DOSTAVITI:**

1. MUP KANTONA SARAJEVO, n/r gosp. Admir Katica, ministar,
2. MUP KANTONA SARAJEVO, n/r gosp. Nefisa Dobrača Mahmutagić, sekretar,
3. UPRAVA POLICIJE, n/r Fatmir Hajdarević, zamjenik policijskog komesara,
4. a/a.